

**Radunanza extraordinaria dals 03 mai 2016 a las 20.00**  
**in La Stalla ad Ardez**

1. Il president, Daniel Franziscus, po salüdar a 22 preschaints, 3 s'han s-chüsats.
2. Gian Luca Strimer vain elet sco scrutinadurs.
3. Il protocol da la radunanza extraordinaria dal 2015 vain prelet ed approvà da la radunanza.
4. Marcus Bonorand declera cuort da che chi's tratta pro quista revisiun dal reglamaint da la STU, cha quist saja il prüm pas per far buna farina ed evitar chi detta in avegnir dispittas. La STU saja üna società spüramaing administrativa pel stabilimaint chi exista daspö il 1995. La STU nu saja pero ningüna società tenor il cudesch da dret civil. Tuot tschellas societats da la STU hajan fingià fat bun il reglamaint nouv. Uossa mancaina be plü nus. Avant la votaziun saja amo singuls votums critics invers la relaschada dal pedel da l'implant 100 meters e leivras, Emil Fried. Marcus declera chi s'ha augmanta la paja da Domenic Schaniel per 500 francs per spargnar la paja da l'500 d'Emil Fried. Quai cha Domenic Schaniel nu riva da far varan da far ils responsabels da la suprastanza o commembers. Scha quai cuntainterà as vezzaraja pür in avegnir. Davart da plüs preschaints as resainta tscherts dubis.  
Il reglamaint vain approvà da la radunanza.
5. Las propostas da la suprastanza schlargiada a man da la delegiada a Müstair
  - la radunanza es pro'l punct 9.1 per la varianta ün
  - La radunanza es pro'l punct 9.2 per ün schi.
  - La dumonda 10 vain sustgnüda.
  - la radunanaza sustegna eir il punct 7.
  - Ils ulteruns puncts vegnan approvats da la radunanaza.
6. Sco delegiats per la delegiada dals 21 mai a Müstair as mettan a disposiziun Mario Hässig ed Armon Schlegel.
7. Armon Schlegel declera il bsögn per systems novs per salvar usöls da chavriöl da la morts tras las maschinas da sgjar. Il svilup d'ün quadcopter (drona) cun camera da chalur saja sün fich buna via. Tals systems nu sajan pero novs. Il nouv vi da quisit proget saja il predsche e la facilità da manouvrar la maschina. Invezza da raduond 40'000 francs as pudessa far quai uossa cun var 10'000 fin 12'000 francs. Per pudair cuntinuar cun quist proget, evaluaziun ed eventuala cumprita stess la società pero far bun ün credit da 3'500 francs. Quai es ün proget cumünaivel cun tschellas societats dal district IX. Turettas ha fingià confermà il sustegn. Sarsura pero ha dat ün chavogn. Sco cha Guolf Denoth chid es preschaint e chid es eir commember da la Sarsura declera, stoja avair dat quia üna malinletta. El es sgür cha la Sarsura saja in ün tal cas pront da sustgnair il proget cun 3'500 francs. Els hajan cret cha'l proget saja mort e cha pervi da quai nu vaivan fat bun il credit per quist proget. Tenor Armon gnis dovrà il credit be scha'l sistem imprometta ün tschert success. Tuot l'organisaziun da piquet stess tour per mans üna gruppa da lavur plü tard.  
La radunanaza sustegna l'idea e fà bun il credit da 3'500 francs.

8. Program da l'on: Mario Hässig quinta cha l'organisaziun da chüra chantunala füss cuntainta da survgnir eir indicaziuns sur da l'ingaschamaint per talas lavurs sco per exaimpel per salvar usöls. Quai per far üna statistica cun l'ingaschamaint dals chatschaders per roba chi nu n'han dachefar directamaing cun la chatscha. El füss cuntaint cha'ls preschaints chi sun pronts da til güdar pro'l salvamaint d'usöls s'inscrivan in la glista chi circulescha.
- Ün seguond tema es il di da famiglia dals 28 da mai. Quai füss alch nouv per nossa società. Avantmezdi dessa lavur da chüra cun gantar cumünavel pro'l Lajet e davu mezdi lavur publica per manar plü dastrusch la protecziun da la natüra e la chatscha al public. Quai cun demonstraziuns, gös e posts da lavur per creschüts ed uffants. Als 17 da mai s'inscuntra amo üna jada la grupp d'organisaziun per sclerir ed organisar ils details. Quai füssan Mario, Seraina, Armon, Marcus, Guolf, Emil e Reto Strimer. Mario Hässig declera amo ingio chi vain pasculà o sgià prada e chi saja da far inandret la lavur pervi chid es da far quint cun controllas quist on.
9. Daniel infuormescha cha'ls 13 avuost vaina nos tir intern e quai darcheu be davomezdi. I segua üna cuorta discussiun schün mez di basta per quels chi tiran tuot il programm. I vain decis da tractandar quai per la prossma radunanza e da laschar per quist on amo sco previs, be ün mez di.
10. Suot varia fà attent Peider Clagluna chi füss da verer in avegnir chi nu detta conflicts da termins culs candidats sco per exaimpel quist on als 28 da mai cul di da famiglia. Mario declera chi saja bod impussibel da chattar termins chi giamai per tuots. Plünavant vain fat attent chi nu detta grond motivs per dventar commembers, cunquai ch'eir na commembers possan far döver per preds modest da l'implant da tir e chi nu detta obligs da far chüra. Il problem es cuntschaint pero soluziuns concretas mancan.
- Marcus fa attent chi ha dat müdadas pro'l program da tir. Il program corret vain publichà in l'internet.
- Emil Kuen appellescha d'annunzchar schi's vezza tschiervis marcats, quai in ocnex cul proget „ingio via“.
- Guolf Denoth dà üna survista da l'orbantüm da chamuotschs. Il privel cha l'orbantüm pudess rivar eir in Zeznia, Nuna e Sampuor saja acut. Perquai annunzchar subit schi's vezza chamuotschs cun bletsch suot ils ögls.

Il president serra la radunanza a las 22.50

L'actuar: Armon Schlegel